

唐書合鈔

唐書卷第六十三

志三十九

地理八

從新書本
分注舊書

羈縻州

唐興初未暇於四夷自太宗平突厥西北諸蕃及蠻夷稍稍內屬卽其部落列置州縣其大者爲都督府以其首領爲都督刺史皆得世襲雖貢賦版籍多不上戶部然聲教所暨皆邊州都督都護所領著於令式今錄招降開置之自以見其盛其後或臣或叛經制不一不能詳見突厥回紇党項吐谷渾隸關內道者爲府二十九州九十突厥之別部及奚契丹靺鞨降胡高麗隸河北

者爲府十四州四十六突厥回紇党項吐谷渾之別部
及龜茲于闐焉耆疏勒河西內屬諸胡西域十六國隸
隴右者爲府五十一州百九十八羌蠻隸劍南者爲州
二百六十一蠻隸江南者爲州五十一隸嶺南者爲州
九十二又有党項州二十四不知其隸屬大凡府州八
百五十六號爲羈縻云

關內道

突厥州十九府五

定襄都督府貞觀四年析頡利部爲二以左部置僑治

寧朔領州四

貞觀二十三年分諸部置州三戶
四百六十口一千四百六十三

阿德州

以阿史
德部置

執失州

以執失
部置

蘇農州

以蘇農
部置

拔延

州

右隸夏州都督府

雲中都督府貞觀四年析頡利右部置

舊書党項
部落置

僑治

朔方境領州五

貞觀二十三年分諸部置州三戶一
千四百二十口五千六百八十一

舍利州

以舍利吐
利部置

阿史那州

以阿史
那部置

綽州

以綽
部置

思壁

州

白登州

貞觀末隸燕然
都護後復來屬

桑乾都督府龍朔三年分定襄置僑治朔方領州四

貞觀

二十三年分諸部置州三戶二
百七十四口一千三百二十三

郁射州

以郁射施部置初
隸定襄後來屬

藝失州

以多地
失部置

卑

舊書
作畢

失州以卑失部置初隸定襄後來屬叱畧州

呼延都督府貞觀二十年置舊書党項部落寄朔方縣界領州三貞

二十三年分諸部置州三戶一百五十口六百五舊書有那吉州無葛邏州

賀魯州以賀魯部置初隸雲中都督後來屬葛邏州以葛邏挹但部置初隸雲中都督後

來屬跌跌州初為都督府隸北庭後為州來屬

右隸單于都護府舊書皆屬夏州都督府

新黎州貞觀二十三年以車鼻可汗之子羯漫陀部置初為都督府後為州

渾河州永徽元年以車鼻可汗餘衆歌邏祿之烏德鞬山左廂部落置

狼山州永徽元年以歌邏祿右廂部落置為都督府隸雲中都護顯慶三年為州來屬

堅昆都督府貞觀二十二年以沙鉢羅葉護部落置

右隸安北都護府

回紇州十八府九

貞觀二十一年分回紇諸部置

燕然州

以多覽葛部地置初為都督府及雞鹿雞田燭龍三州隸燕然都護開元元年來屬僑治回樂

戶一百九十口九百七十八

雞鹿州

以奚結部置僑治回樂戶一百三十二口五百五十六

雞田州

以阿跌部置僑治回樂戶一百四十四口四百六十九

東臯蘭州

以渾部置初為都督府并以延陀餘衆置祁連州後罷都督又分東西州永徽三年皆廢

後復置東臯蘭州僑治鳴沙戶一千三百四十二口五千一百八十二

燭龍州

貞觀二十三年析瀚海都督之掘羅勿部置僑治溫池戶一百一十七口三百五十三

燕山州

僑治溫池戶四百三十六口二千一百七十六

右隸靈州都督府

達渾都督府以延陀部落置僑治寧朔領州五戶一百二十四

口四百九十五

姑衍州 步訖若州 嶠彈州永徽中收延陀散亡部落置 鶻州

低粟州

安化州都督府僑治朔方戶四百八十三口二千五百三十三

寧朔州都督府僑治朔方戶三百七十四口二千二百七十七

僕固州都督府僑治朔方戶一百二十二口六百七十二

右隸夏州都督府

榆溪州以契苾部置

寘顏州

以白霽別部置

居延州

以白霽別部置

稽落州

本高闕州以斛薩部置永徽元年廢高闕州更置稽落州後又廢三年以阿特部復置

余吾州

本元闕州貞觀中以骨利幹部置龍朔中更名

浚稽州

仙萼州

初隸瀚海都護後來屬

瀚海都督府以回紇部置

金微都督府以僕固部置

幽陵都督府以拔野古部置

龜林都督府貞觀二年以同羅部落置

堅昆都督府以結骨部置

右隸安北都護府

党項州五十一府十五

貞觀三年酋長細封步賴內附其後諸姓酋長相率亦內附皆

列其地置州縣隸松州都督府五年又開其地置州十六縣四十七又以拓跋赤詞部置州三十二乾封二年以吐蕃入寇廢都流厥調奏般旬器爾鎧率嗟等十二州咸亨二年又廢蠶黎二州祿山之亂何隴陷吐蕃乃徙党項州所存者於靈慶銀夏之境

清塞州

歸德州 脩治銀州境

蘭池都督府

芳池都督府

相興都督府

永平都督府

旭定都督府

清寧都督府

忠順都督府

寧保都督府

靜塞都督府

萬吉都督府

樂容州都督府領州一

東夏州

靜邊州都督府貞觀中置初在隴右後僑治慶州之境

舊書寄治銀州界內領州二十五舊書十八

布州 北夏州 思義州 思樂州 昌塞州 吳

州天授二年置吳朝歸浮等州 朝州朝亦作彭 歸州歸一作陽 浮州 祐州

貞觀四年置至京師二千一百九十里領縣二廓川歸定 卑州 西歸州 嶂州

貞觀四年置至京師二千九百九十里領戶二百無口領縣四洛平顯川桂平顯平 饒州 開元

州

歸順州

本在山南之西實應元年請梁州刺史內附

淳州

貞觀十二年以降戶

置于洮州之境并置索恭烏城二縣開元中廢後為羈縻

烏籠州

恤州

嵯州

貞觀五年置縣一相雞相雞本隸西懷州貞觀十年來屬

蓋州

本西唐州貞觀四年置八年更名在

京師西南二千六百三十里領戶二百二十無口縣四湘水河唐曲嶺祐川

悅州

迴樂州

烏掌州

諾州

貞觀五年置在京師西南二千六百四十三里縣三諾川德歸離渭

右隸靈州都督府

芳池州都督府僑治懷安皆野利氏種落領州九

舊書領州

十有寧州

靜州

種州

舊書作獯

玉州

貞觀五年置至京師二千八百七十八里領戶二百一

十五無口縣二玉山帶河

濮州

柁州

尹州

位州

貞觀四年置至京師

二千四百一十里領戶一
百無口縣二位豐西使
長州 寶州

宜定州都督府本安定後更名寄治慶州界領州七

党州 橋州貞觀六年置至京烏州 西戎州貞觀五年

以拓拔赤詞部落置初野利州 米州 還州

安化州都督府寄治慶州界領州七

永利州 威州 旭州 莫州 西滄州貞觀六年置八年更

名臺州後復故名至京琮州 儒州本西鹽州貞觀五年以拓拔部

師二千一百三十五里置治故後魏洪和郡之藍川縣地
八年更名開元中廢後為羈縻

右隸慶州都督府

吐谷渾州二

寧朔州

初隸樂容都督府代宗時來屬

右隸夏州都督府

渾州

儀鳳中自涼州內附者處於金明西境置寄治延安郡界

右隸延州都督府

河北道

突厥州二

順州順義郡

天寶元年改為順義郡乾元元年復為順州舊領戶八十一口二百一十九天寶戶

一千六十四口五千一百五十七貞觀四年平突厥以其部落置順佑化長四州都督府于幽靈之境又置北開北寧北撫北安等四州都督府六年順州僑治營州南之五柳戍又分思農部置燕然縣僑治陽曲分思結部置懷化縣僑治秀容隸順州後皆省佑化長及北開等四州亦廢而順州僑治幽州城中歲貢麝香縣一賓義

瑞州本威州貞觀十年以烏突汗達干部落置在營州之境咸亨中更名後僑治良鄉之廣陽城舊領戶

六十口三百六十天寶戶一百九十五口六百二十四縣一來遠

右初隸營州都督府及李盡忠陷營州以順州隸幽州都督府徙瑞州於宋州之境神龍初北還亦隸幽州都督府

奚州九府一

鮮州武德五年析饒樂都督府置隸營州都督僑治潞之古縣城萬歲通天元年遷於青州安置神龍初

改隸幽州戶一百七口三百六十七縣一賓從

崇州武德五年析饒樂都督府之可汗部落置隸營州都督貞觀三年更名北黎州治營州之廢陽師鎮

八年復故名後與鮮州同僑治潞之古縣城舊領戶一百四十口五百五十四天寶戶二百口七百一十六縣一昌黎

順化州

縣一懷遠

歸義州歸德郡

總章中以新羅戶置僑治良鄉之廣陽城戶一百九十五口六百二十四縣一

歸義後廢開元中信安王禕降契丹李詩部落五千帳以其衆復置

奉誠都督府本饒樂都督府唐初置後廢貞觀二十二

年以內屬奚可度者部落更置并以別帥五部置弱水

等五州開元二十三年更名領州五

弱水州

以阿會部置

祁黎州

以處和部置

洛瓊州

以奧失部置

太魯

州

以度稽部置

渴野州

以元俟析部置

契丹州十七府一

元州

隋置處契丹李去間部落貞觀二十年以紇主曲據部落置僑治范陽之魯泊村戶六百一十八口

一千三百三十

三縣一靜蕃

威州

本遼州武德二年以內稽部落置并置遼州總管府初治燕支城後僑治營州城中七年廢都督府

貞觀元年更名後治良鄉之石窟堡舊領戶七百二十九口四千二百二十二天寶戶六百一十一口一千八百

六十九兩京道里與
涿州同縣一威化

昌州

貞觀二年以松漠部落置僑治營州之靜蕃戌七年徙于三合鎮後治安次之故常道城舊領戶一

百三十二口四百八十七天寶戶二百八十一口一千八十八縣一龍山

師州

貞觀三年以契丹室韋部落置僑治營州之廢陽師鎮後僑治良鄉之東間城舊領戶一百三十八

口五百六十八天寶戶三百一十四口三千二百一十五縣一陽師

帶州

貞觀十年以乙失革部落置僑治昌平之清水店領戶五百六十九口一千九百九十縣一孤竹

歸順州歸化郡

本彈汗州貞觀二十二年以內屬契丹別帥析紇便部置開元四年更名天寶

元年改爲歸化郡乾元元年復爲歸順州領戶一千三百七十四千四百六十九至京師二千六百里至東都一千七百一十里縣一懷柔

沃州載初中析昌州置處契丹松漠部落萬歲通天元年沒於李盡忠開元二年復置後僑治蘄之南回城隸幽州領戶一百五十九

信州萬歲通天元年以乙失活部落置僑治范陽境領戶四百一十四口一千六百縣一黃龍

青山州景雲元年析元州置僑治范陽之水門村領戶六百三十二口三千二百一十五縣一青山

松漠都督府貞觀二十二年以內屬契丹窟哥部置其

別帥七部分置峭落等八州李盡忠叛後廢開元二年

復置領州八

峭落州以達稽部置

無逢州以獨活部置

羽陵州以芬間部置

白連

州

以突便部置

徒何州

以芮奚部置

萬丹州

以墜斤部置

正黎州

伏

置部

赤山州

以伏部置

歸城州

靺鞨州三府三

慎州

武德初以凍沫烏素固部落置僑治良鄉之故都鄉城領戶二百五十口九百八十四縣一逢龍

夷賓州

乾封中以愁思嶺部落置僑治良鄉之古廣陽城領戶一百三十口六百四十八縣一來蘇

黎州

載初二年析慎州置僑治良鄉之故都鄉城領戶五百六十九口一千九百九十一縣一新黎

黑水州都督府開元十四年置

渤海都督府

安靜都督府

右初皆隸營州都督李盡忠陷營州乃遷元州

于徐宋之境威州于幽州之境昌師帶鮮信五
州于青州之境崇慎二州于淄青之境夷賓州
于徐州之境黎州于宋州之境在河南者十州
神龍初乃使北還二年皆隸幽州都督府

降胡州一

稟州

天寶初置僑治范陽境領戶六百四十八口二千一百八十七

右隸幽州都督府

高麗降戶州十四府九

太宗親征得蓋牟城置蓋州得遼東城置遼州得白崖城置巖

州及師還收蓋遼二州之人以歸高宗滅高麗置都督府九州四十二後所存州止十四並無城池散處諸軍鎮以其渠酋爲都督刺史羈縻之天寶領戶五千七百一十八口一萬八千一百五十六初顯慶五年平百濟

以其地置熊津馬韓東明金連德安
五都督府并置帶方州麟德後廢

南蘇州

蓋牟州

代那州

倉巖州

磨米州

積利州

黎山州

延津州

木底州

安市州

諸北州

識利州

拂涅州

拜漢州

諸北州已
下舊書闕

新城州都督府

遼城州都督府

哥勿州都督府

衛樂州都督府

舍利州都督府

居素州都督府

越喜州都督府

去旦州都督府

衛樂州已
下舊書闕

建安州都督府

右隸安東都督府

隴右道

突厥州三府二十七

臯蘭州

貞觀二十二年以阿史德特健部置初隸燕然都護後來屬

興昔都督府

右隸涼州都督府

特伽州

雞洛州

開元中又有火拔州葛祿州後不復見

濛池都護府貞觀二十三年以阿史那賀魯部落置瑤池都督府永徽四年省顯慶二年擒賀魯分其地置都護府二都督府八其役屬諸胡皆爲州

崑陵都護府

訃延都督府以處木昆部置

盟鹿州都督府以突騎施索葛莫賀部置

潔山都督府以突騎施阿利施部置

雙河都督府以攝舍提墩部置

鷹娑都督府以鼠尼施處半部置

鹽泊州都督府以胡祿屋闕部置

陰山州都督府顯慶三年分葛邏祿三部置三府以謀

落部置

大漠州都督府以葛邏祿熾侯部置

元池州都督府以葛邏祿踏實部置

金附州都督府析大漠州置

輪臺州都督府

金滿州都督府永徽五年以處月部落置爲州隸輪臺
龍朔二年爲府

咽麴州都督府初元池咽麴爲州隸燕然長安二年爲
都督府隸北庭

鹽祿州都督府

哥係州都督府

孤舒州都督府

西鹽州都督府

東鹽州都督府

叱勒州都督府

迦瑟州都督府

憑洛州都督府

沙陀州都督府

答爛州都督府

右隸北庭都護府

回紇州三府一

蹄林州

以思結別部置

金水州

賀蘭州

廬山都督府以思結部置

右初隸燕然都護府總章元年隸涼州都督府

党項州七十三府一縣一

馬邑州

開元十七年置在秦成二州山谷間寶應元年徙于成州之鹽井故城

右隸秦州都督府

保塞州

右隸臨州都督府

密恭縣

高宗上元三年爲吐蕃所破因廢後復置

右隸洮州

叢州

貞觀三年舊書置在京師西南一千八百里縣三亭遠臨泉臨河

岨州

貞觀元年以降戶置領戶一百五十五在京師西南二千二百四十六里縣二江源落稽

奉州

本西仁州貞觀元年置八年更名在京師西南二千一百六里縣三奉德恩安縣永慈

巖州

本西金州貞觀五年置八年更名在京師西南二千一百里縣三金池甘松丹巖

遠州

本西懷州貞觀四年置八年更名在京師西南二千三百六十里縣二羅水小部川

麟州

本西麟州貞觀五年置八年更名至京師四千五百里縣七峽川和善劍具硤源三交利恭東陵

可州

本西義州貞觀四年置八年更名在京師西南一千四十里縣三義誠清化靜方

閩州

貞觀五年置在京師西南二千五百一十里縣二閩源落吳

彭州

本洪州貞觀三年置七年更名在京師西南一千七百八十里縣四洪川歸遠臨津歸正

直州

本西集州貞觀五年置更名領戶一百至京師二千五百里縣二集川新川

肆州

貞觀五年置至京師二千六百里縣四歸唐芳叢鹽水磨山

序州

貞觀十年置至京師二千四百里

靜州

咸亨三年以內附部落置

軌州都督府貞觀二年以細封步賴部置

在京師西南二千三百

百九縣四玉城金源俄徹通川 以上有版

研州

探那州

忸州

毗州

河州

幹州

瓊州

犀州

龕州

陪州

如州

麻州

霸州

礪州

光州

至涼州

曄州

思帝州

統州

穀印州

達達州

萬卑州

慈州

融洮州

執州

答針州

稅河州

吳洛州

齊帝州

苗州

始目州

悉多州

質州

兆州

求易州

託州

志德州

延避州

略州

索京州

柘剛州

明桑州

白豆州

瓚州

酋和州

和昔州

祝州

索川州

拔揭州

鼓州

飛州

索渠州

目州

寶劍州

津州

柘鍾州

紀州

徽州

以上無版

右初隸松州都督府肅宗時懿蓋嗟諾祐臺橋
浮寶玉位儒歸恤及西戎西滄樂容歸德等州
皆內徙餘皆沒於吐蕃

乾封州

歸義州

順化州

和寧州

和義州

保善州

寧定州

羅雲州

朝鳳州

以上寶應元年內附

永定州

永泰元年以永定等十二州部落內附析置州十五

宜芳州

餘闕

右隸

闕

吐谷渾州

閭門州

右隸涼州都督府

四鎮都督府州三十四

咸亨元年吐蕃陷安西因罷四鎮長壽二年復置

龜茲都督府貞觀二十年平龜茲置

本龜茲國其王姓白理白山之南去瓜州

三千里勝兵數千貞觀二十二年阿史那社爾破之虜龜茲王而還乃於其地置都督府顯慶三年破賀魯仍

自西州移安西府置於龜茲國城

領州九

闕

毗沙都督府本于闐國

在安西都護府西南二千里葱嶺北二百里勝兵數千俗多機

巧其王曰伏闕信

貞觀二十二年内附初置州五高宗上元二

年置府領州十

關

焉耆都督府

本焉耆國在安西都護府東八百里其王姓龍名突騎支常役於西突厥俗有魚龍

之貞觀十八年滅焉耆置

上元中置都督府處其部落無蕃州有碎葉城調露元年

都護王方翼築四面十二門為屈曲隱出伏沒之狀云

疏勒都督府

本疏勒國在安西都護府南二千里白

觀九年疏勒内附置

上元中置都督府

領州十五

關

河西内屬諸胡州十二府二

烏壘州

和墨州

温府州

蔚頭州

遍城州

耀建州

寅度州

豬拔州

達滿州

蒲順州

郢及滿州

乞乍州

嬌塞都督府

渠黎都督府

西域府十六州七十二

龍朔元年以隴州南由令王名遠為土火羅道置州縣使自子

屬部為州縣凡州八十八縣百一十軍府百二十六皆

隸安西都護府仍於吐火羅國立碑以紀之

月支都督府以吐火羅葉護阿綏城

舊書通

置以其王葉護領

之領州二十五

舊書二十四

藍氏州

以鉢勃城置

大夏州

以縛叱城置

漢樓州

以俱祿健城置

弗敵

州

以烏羅城置

沙律州

以咄咄城置

嬌水州

以羯城置

盤越州

以忽婆城置

忸密州

以烏羅
渾城置

伽倍州

以摩
城置

栗特州

以阿
臘城置

鉢羅

州

以蘭
城置

雙泉州

以悉
帝城置

杞惟州

以昏
磨城置

遲散州

以悉

密言

富樓州

以乞
城置

丁零州

以泥
城置

薄知州

以折
城置

面

桃槐州

以阿
城置

大檀州

以類
關達官

伏盧州

以薩
城置

薩城

置身毒州

以乞
職城置

西戎州

以突
但駃城置

笈頡州

以騎
帝城置

失

疊仗州

以發
落城置

苑湯州

以拔
山城置

大汗都督府以厭達

舊書
厭達

部活路城置

以其
江領之

領州十

五

附墨州

以弩
城置

奄蔡州

以胡
城置

依耐州

以婆
達健城置

薩

犁州

以少
部落置

榆令州

以烏
言城置

安屋州

以遮
多城置

剡陵州

以數始城置碣石州以迦沙紛波知州以羯勞烏丹州以

捺斯城置諾色州以速利迷密州以順問盼頭州以乍宿

利州以頌施谷賀那州以汗曜

條支舊書都督府以阿達羅支國伏寶瑟顛城置領州

九舊書

細柳州以護聞虞泉州以贊候瑟犁蘄州以據瑟崦

崦州以過忽巨雀州以烏離遺州以遺蘭西海州以

薩大城置鎮西州以活恨乾陀州以縛狼

天馬都督府以解蘇國數滿城置領州二

洛那州以忽諭東離一作州以達利薄

高附都督府以骨咄施沃沙城置領州二

五翎州

以葛邏健城置

休蜜

一作雷

州

以烏斯城置

修鮮都督府以尉賓國遏紇城置領州十

毗舍州

以羅漫城置

陰米州

以賤那城置

波路州

以和藍城置

龍池

州

以遺恨作

烏弋州

以塞奔你邏斯城置

羅羅州

以濫健城置

檀特州

以半

製城

烏利州

以勃迸城置

漠州

以鵲換城置

懸度州

以布路健城置

寫鳳都督府以帆延國羅爛城

舊書失苑延國伏戾城

置領州四

嶰谷州

以肩捺城置

洽淪州

以侯麟城置

悉萬州

以縛時伏城置

鉗敦

州

以未臘薩且城置

悅般州都督府以石汗那國豔城置領州一

雙靡

舊書州以俱蘭作靡城置

奇沙州都督府以護特犍國遏密城置領州二

沛隸

舊書州以漫山作簿城置

大秦州

以獻密城置

姑墨州都督府以怛沒國怛沒城置領州一

栗弋州

以弩羯城置

旅獒州都督府以烏拉喝國摩喝城置

崑墟州都督府以多勒建國

舊書護密多國

低寶那城置

至拔州都督府以俱密國褚

舊書作措

瑟城置

烏飛州都督府以護密多國摸達

舊書作廷

城置領州一

鉢和州

以娑勒色訶城置

王庭州都督府以久越得犍國步師城置

波斯都督府以波斯國疾陵城置

右隸安西都護府

劍南道

諸羌州百六十八

西雅州

貞觀五年置在京師西南二千六百六十里縣三新城三泉石龍

蛾州

貞觀五年置至京師二千七百里縣二常平那川

拱州

顯慶元年以鉢南伏浪恐部置

劍州

永徽五年以大首領凍就部落置

右隸松州都督府

塗州

武德元年以臨塗羌內附置領臨塗端源婆覽三縣貞觀元年舊籍州廢縣亦省二年舊籍析茂州

之端源戌復置領戶二千三百三十四口四千二百六十一在京師西南二千六百八十九里縣三端源臨塗

鄰悉

炎州本西封州貞觀三年舊開生羌置八年更名領戶五千七百無口數在京師西南三千三百七十

六里縣三大封慕仙義川

徽州貞觀六年以西羌董洞貴舊作部落置領戶二千五百無口數在京師西南三千四百一十八里

縣三文徵俄耳文進

向州貞觀五年以生羌置領戶一千六百二十口三千八百九十八在京師西南二千八百六十九里縣二

貝左向貳

冉州本西冉州貞觀六年舊以徼外斂才羌地置八年舊更名為冉州領戶一千三百七十在京

師西南三千七百三十九里縣四冉山磨山玉溪金水

穹州

本西博州貞觀五年以生羌置八年更名領戶三千四百三十六在京師西南三千二百六十七里

縣五小川微當

壁川當博恭耳

窄州

本西恭州貞觀七年以白狗羌戶置八年更名無戶口在京師西南二千九百四十五里縣三蓬都亭

勸比

蓬魯州

永徽二年特浪生羌董悉奉求辟惠生羌卜捨莫等種落萬餘戶內附又析置州三十二〇已

下舊書
不錄

姜州

恕

一作志

州

葛州

勿州

鞬州

占州

達州

浪州

邠州

斂州

補州

賴州

那州

舉州

多州

爾州

射州
鐸州
平祭州
時州

箭州
婆州
浩州
質州

居州
可州
宕州
歸化州

奈州
竺州
卓州

右隸茂州都督府

思亮州
杜州
初漢州
孚川州

渠川州
邱盧州
祐州
計州

龍施州
月亂州
浪彌州
月邊州

園州
櫃州
威川州
米羌州

右隸嵩州都督府

當馬州 此下二十一州天寶前置

林波州 中川州

林燒州 鉗矢州 會野州 當仁州

金林州 東嘉梁州 西嘉梁州 舊書有壽梁州無此二州

東石乳州 西石乳州 涉邛州 汶東州

費林州 徐渠州 强雞州 長臂州

楊常州 羅巖州 初隸黎州都督後來屬

雉州

椎梅州 此下三十六州開元後置 三井州

束鋒州

名配州 鉗恭州 斜恭州 畫重州

羅林州 龍羊州 龍逢州 敢川州

驚川州 梲眉州 作燭州 當品州

巖城州

昌磊州

鉗并州

木重州

梲林州

三恭州

布嵐州

欠馬州

羅蓬州

論川州

讓川州

遠南州

卑廬州

夔龍州

耀川州

金川州

鹽井州

涼川州

夏梁州

甫和州

橛查州

舊書屬
黎州

右隸雅州都督府

奉

舊書
作秦

上州

此下二十二
州開元前
置

輒榮州

劇川州

合欽州

蓬口州

博盧州

明川州

施腓州

蓬矢州

大渡州

米川州

木屬州

河東州

甫嵐州

昌明州

歸化州

初隸嶺州
後來屬

象川州

叢夏州

和良州

和都州

附樹州

東川州

上貴州

此下二十八年
開元十七年置

滑川州

比川州

吉川州

甫萼州

北地州

蒼榮州

野川州

邛凍州

貴林州

牒珍

舊書作
琮州

浪彌州

郎郭州

上欽州

時蓬州

儼馬州

邛川州

護邛州

脚川州

開望州

上蓬州

比蓬

舊書作
北蓬

州

剝重州

久護州

瑤劍州

明昌州

護川州

索古州

此下三州大和前置

諾柞州

栢坡州

右隸黎州都督府

諸蠻州九十二

皆無城邑椎髻皮服惟來集於都督府則衣冠如華人焉

南寧州

漢夜郎地武德元年開南中因故同樂縣置領

治味四年置總管府管南寧恭協昆尹會姚西濮而末

九州五年罷總管其冬復置僑治益州七年改為都督

仍割西寧豫西利南雲磨南籠七州并前九州合十六州

貞觀元年罷都督開元五年復置味更名郎州八年置

十二觀元在京師西南五千六百七十里北接曲州天寶末

昆州本隋置隋亂廢武德元開南中復置在京師西南

二百六十七縣四益寧晉寧安寧秦臧有漢池周三百里在晉寧其秦臧則故臧漢地也

黎州本西寧州武德七年析南寧州二縣置貞觀八年更名北接昆州領戶一千縣二梁水絳

匡州本南雲州武德七年置貞觀八年更名漢永昌郡也在京師西南五千一百六十五里領戶四千八百縣二勃

弄匡川

髻州本西濮州武德四年置貞觀十一年更名漢越巂郡地在京師西南四千八百五十里南接姚州領

戶一千三百九十縣四濮水青蛉岐星銅山

尹州武德四年置北接髻州領戶一千七百縣五馬邑天池鹽泉百泉涌泉

曾州武德四年置在京師西南五千一百四十五里西接匡州領戶一千二百七縣五曾三部神泉龍亭

長和

鈎州本南龍州武德七年置貞觀十一年更名在京師西南五千六百五十里東北接昆州領戶一千縣

二望水
唐封

哀州 武德七年舊唐書置本弄棟地在京師四初四千九
百七十里南接姚州領戶一千四百七十縣二楊

被樂強
驪樂

宗州 本西宗州武德七年置貞觀十一年更名宗州在
京師西南五十一里北接姚州領戶一千九百三

十縣三宗居
石塔河西

微州 本西利州武德七年置貞觀十一年更名在
京師西南四千九百七十里北接縻州領戶

一千一百五十
縣二深利十部

縻州 本西預州武德七年置貞觀三年更名在京師西
南四千九百四十五里南接姚州領戶一千二百

初為都督府督縻望諺羅三
州後罷都督縣二縻豫七部

望州 貞觀末以諸蠻內附與傍州
同置初隸郎州都督後來屬 諺羅州

盤州 本西平州武德四年置貞觀八年更名故興古郡地在京師西南五十里北接郎州其南交州

領戶一千九百六十
縣三附唐平夷盤水

麻州 貞觀二十二年置 英州 聲州 勤州

傍州 貞觀二十三年諸蠻未徙莫抵儉望二種落內附置傍望求邱覽五州

求州 邱州 覽州 咸州

瀘慈州 歸武州 嚴州 湯望州

武德州 奏龍州 武鎮州 本武恒避穆宗名改

南唐州 連州 縣六當為都寧邏遊羅龍加平清坎

南州 析盈州置縣三播政百榮洪盧 德州 析志州置縣二羅連萬嚴

為州 析扶德州置縣二扶會羅 洛州 析鏡州置縣四臨津賓夷會城蔥藥

移州

析悅州置縣三
移當臨河湯陵

悅州

縣六甘泉青賓臨
川悅水夷鄰胡璠

鏡州

縣六夷郎賓唐溪
琳琮連池臨野并

筠州

縣八鹽水筠山羅余臨
居澄瀾臨崑唐川尋源

志州

志一作總縣四浮
萍雞惟夷賓河西

盈州

縣四盈川塗
賽擒陵施燕

武昌州

縣七洪武羅虹琅林
夷朗來賓羅新綺婆

扶德州

縣三宋水
扶德阿陰

播朗州

析鞏州置縣三
播勝從顏順化

信州

居州

炎州

馴州

縣五馴鹿天池
方陀羅藏播騁

騁州

縣二斛
木羅相

浪川州

貞元十三年節度使韋臯表置
縣五郎浪郎達何度郎乍囚閭

協州

右夜郎侯之國本隋置隋亂廢武德元年開南中
復置在京師西南四千里北接戎州領戶三百二

十九縣三東安
西安胡構驍津

靖州

析協州置縣二

曲州

本恭州隋置隋亂廢武德元年開南中復置八年

接協州

領戶一千九十四縣二朱提

播陵州

析盆

唐興朱提本安上武德七年更名

析開邊

哥靈州

瀉州

縣三拱平

切騎州

縣四柳池奏

品州

縣三八秤

從州

縣六從化昆池武

河連州

縣三河連

碾衛州

縣三麻金

右隸戎州都督府

于州

武德四年以古滇王國民多姚

異州

五陵州

袖州

和往州

舍利州

范鄧州

野共州

洪郎州

日南州

眉鄧州

澄備州

洛諾州

右隸姚州都督府

納州都寧郡

儀鳳二年開山洞置天寶元年改為都寧郡乾元元年復為納州縣入羅團播羅施

陽都寧羅當羅藍都胡茂先天二年與薩晏羅皆降為羈縻

薩舊書州黃池郡

儀鳳二年招生獠置天寶元年改為黃池郡乾元元年復為薛州縣二黃

池播陽儲儲○舊書領縣三有枝江

晏州羅陽郡

儀鳳二年招生獠置天寶元年改為羅陽郡乾元元年復為晏州縣七思義河陰新

賓扶來思晏哆岡羅陽

鞏州因忠郡

儀鳳二年開山洞置天寶元年改為因忠郡乾元元年復為鞏州縣五哆樓都懷波

婆舊書領縣北求播郎○
舊書領縣四無都檀

奉州儀鳳二年開山洞置縣

縣三有

浙州儀鳳二年開山洞置縣

順州載初二年置縣五曲水

思義州天授二年置縣

涓州久視元年置縣四新

能州大足元年置縣四長

高州縣三牂巴

宋州縣四牂牁

長寧州縣四婆員波

定州縣二枝

右隸瀘州都督府

江南道

諸蠻州五十一

胖州 武德三年以胖牂首領謝龍羽地置四年更名牂

元中降胖玟為羈縻天寶三載又降充應知為羈縻縣

三建安賓化新興建安本胖牂武德二年更名新興與

玟州 貞觀四年置縣五武侯望江應江始安

莊州 本南壽州貞觀三年以南謝蠻首領謝強地置四

多樂郡地南百里有桂嶺關縣七石牛南陽輕水

充州 武德三年以胖牂蠻別部置縣七平

應州 貞觀三年以東謝首領謝元深地

矩州 武德四年置縣五都尚婆覽應江陀隆羅恭

明州 貞觀中以西趙首

焉州

勞州

義州

福州

犍州

邠州

清州

義州

蠻州

縣一巴江

巖州

巖一作鼓

濡州

琳州

縣三多梅古陽多奉

鸞州

令州

那州

暉州

都州

總州

咸亨三年昆明十四姓率戶二萬內屬分置

敦州

咸亨三年析內屬昆明部置縣六武寧溝水古質昆川叢燕孤雲

殷州

咸亨三年析昆明部置後廢開元十五年分戎州復置後又廢貞元二年節度使韋臯表復置故南

漢之境也縣五殷川東公龍原韋川資川初與敦州皆隸戎州都督後來屬

候州

晃州

樊州

稜州

添州

普寧州

功州

亮州

茂龍州

延州

訓州

卿州

貞觀十五年置

雙城州

整州

懸州

撫水州

縣四撫水古勞

多蓬京水

思源州

逸州

南平州

勳州

襲州

寶州

萬歲通天二年以昆明夷內附置

姜州

鴻州

縣五樂鴻思翁都部新庭臨川

右隸黔州都督府

嶺南道

諸蠻州九十二

紆州

縣六東區吉陵賓安南山都邦紆質

歸思州

思順州

縣五羅遵履博都恩吉南許水

蕃州

縣三審水都伊思寮

溫泉州 溫泉郡

土貢金縣二溫泉洛富

述昆州

土貢桂心縣五夷蒙夷水古桂臨山都隴

格州

右隸桂州都督府

樓州

縣八正平富平龍源思恩饒勉武招都象歌良

歸順州

本歸淳元和初

更名

思剛州

侯州

歸誠州

倫州

石西州

思恩州

思同州

思明州

縣一顯川

萬彤州

萬承州

上思州

談州

思琅州

波州

員州

功饒州

萬德州

左州

思誠州

鰒州

歸樂州

青州

得州

七源州

右隸邕州都督府

德化州

永泰二年以林觀符部
落置縣二德化歸義

郎茫州

永泰二年以林觀符部
落分置縣二郎茫古勇

龍武州

大厓中以潘歸國部落置
縣二龍邱舊書福宇舊書

歸化州

縣四歸朝洛
都落回落巍

郡州

土貢白蠟孔雀尾
縣二郡口樂安

萬泉州

縣一
陸水

思農州

縣三武郎
武容武全

爲州

縣三都龍
漢會武零

西原州

縣三羅和
古林羅淡

林西州

縣二林
西甘橘

思廓州

縣三都寧
昆陽羅方

武寧州

縣三文葛
甘郎蘇物

新安州

縣三歸化
賓陽安德

金鄯州

縣三羅嘉
文龍祿榮

提上州

縣三長賓
提頭朱綠

甘棠州

縣一忠誠

武定州

縣三福康縣柔遠康林

都金州

縣四溫泉嘉陵甘陽都金

諒州

縣二武興古都

武陸州

開成三年都護馬植表以武陸縣置

平原州

開成四年析都金州之平原館置縣三龍

石平林龍當

龍州

武定州

真州

信州

思陵州

祿州

中宗時有軍樂縣後省

南平州

西平州

門州

餘州

歸州

金鄰州

儀鳳元年置

暑州

羅伏州

儋陵州

樊德州

金龍州

哥富州

貞元十二年置

尙思州

貞元十二年置

安德州

貞元十二年置

右隸安南都護府

蜀爨蠻州十八

貞元七年
領州名逸

右隸峯州都督府

唐置羈縻諸州皆傍塞外或寓名於夷落而四夷之與中國通者甚衆若將臣之所征討敕使之所慰賜宜有以記其所從出天寶中元宗問諸蕃國遠近鴻臚卿王忠嗣以西域圖對纔十數國其後貞元宰相賈耽考方域道里之數最詳從邊州入四夷通譯於鴻臚者莫不畢紀其入四夷之路與關戍走集最要者七一日營州入安東道二曰登州海行入高麗渤海道三曰夏州塞

外通大同雲中道四曰中受降城入回鶻道五曰安西入西域道六曰安南通天竺道七曰廣州通海夷道其山川聚落封畧遠近皆概舉其目州縣有名而前所不錄者或夷狄所自名云

營州西北百里曰松陁嶺其西奚其東契丹距營州北四百里至湟水營州東百八十里至燕郡城又經汝羅守捉渡遼水至安東都護府五百里府故漢襄平城也東南至平壤城八百里西南至都里海口六百里西至建安城三百里故中郭縣也南至鴨綠江北泊沟城七百里故安平縣也自都護府東北經古蓋牟新城又經

渤海長嶺府千五百里至渤海王城城臨忽汗海其西南三千里古肅慎城其北經德理鎮至南黑水靺鞨千里

登州東北海行過大謝島龜歆島淤島烏湖島三百里北渡烏湖海至馬石山東之都里鎮二百里東傍海壩過青泥浦桃花浦杏花浦石人汪橐駝灣烏骨江八百里乃南傍海壩過烏牧島貝江口椒島得新羅西北之長口鎮又過秦王石橋麻田島古寺島得物島千里至鴨渌江唐恩浦口乃東南陸行七百里至新羅王城自鴨渌江口舟行百餘里乃小舫泝流東北三十里至泊

汧口得渤海之境又汧流五百里至九都縣城故高麗王都又東北汧流二百里至神州又陸行四百里至顯州天寶中王所都又正北如東六百里至渤海王城

夏州北渡烏水經賀麟澤拔利干澤過沙次內橫剗沃野泊長澤白城百二十里至可朱渾水源又經故陽城澤橫剗北門突紇利泊石子嶺百餘里至阿頽泉又經大非苦鹽池六十六里至賀蘭驛又經庫也干泊彌鶯泊榆祿渾泊百餘里至地頽澤又經步掘泉故城八十八里度烏那水經胡洛鹽池紇伏干泉四十八里度庫結沙一曰普納沙二十八里過橫水五十九里至十賁

故城又十里至寧遠鎮又涉屯根水五十里至安樂戍
戍在河西墻其東墻有古大同城今大同城故永濟柵也北
經大泊十七里至金河又經故後魏沃野鎮城傍金河過
古長城九十二里至吐俱麟川傍水行經破落汗山賀
悅泉百三十一里至步越多山又東北二十里至纈特
泉又東六十里至賀人山山西磧口有詰特犍泊吐俱
麟川水西有城城東南經拔厥那山二百三十里至帝
割達城又東北至諾真水汊又東南百八十七里經古
可汗城至鹹澤又東南經烏咄谷二百七十里至古雲中
城又西五十五里有綏遠城皆靈夏以北蕃落所居

中受降城正北如東八十里。有呼延谷。谷南口有呼延
柵谷。北口有歸唐柵車道也。入回鶻使所經。又五百里
至鷓鴣泉。又十里入磧。經麇鹿山。鹿耳山。錯甲山。八百
里至山燕子井。又西北經密粟山。達旦泊野馬泊。可汗
泉。橫嶺。綿泉。鏡泊。七百里至回鶻衙帳。又別道自鷓鴣
泉北。經公主城。眉間城。怛羅思山。赤崖。鹽泊。渾義河。鑪
門山。木燭嶺。千五百里。亦至回鶻衙帳。東有平野。西據
烏德鞬山。南依盟昆水。北六七百里至仙娥河。河北岸
有富貴城。又正北如東。過雪山。松樺林。及諸泉泊。千五
百里至骨利幹。又西十三日行。至都播部落。又北六七

日至堅昆部落有牢山劍水又自衙帳東北渡仙娥河
二千里至室韋骨利幹之東室韋之西有鞠部落亦曰
穢部落其東十五日行有俞折國亦室韋部落又正北
十日行有大漢國又北有骨師國骨利幹都播二部落
北有小海冰堅時馬行八日可度海北多大山其民狀
貌甚偉風俗類骨利幹晝長而夕短回鶻有延姪伽水
一曰延特勒泊曰延特勒那海烏德隄山左右溫昆河
獨邏河皆屈曲東北流至衙帳東北五百里合流泊東
北千餘里有俱輪泊泊之四面皆室韋

安西西出柘厥關渡白馬河百八十里西入俱毗羅磧

經苦井百二十里至俱毗羅城又六十里至阿悉言城
又六十里至撥換城一曰威戎城曰姑墨州南臨思渾
河乃西北渡撥換河中河距思渾河北二十里至小石
城又二十里至于闐境之胡蘆河又六十里至大石城
一曰于祝曰溫肅州又西北三十里至粟樓烽又四十
里度拔達嶺又五十里至頓多城烏孫所治赤山城也
又三十里渡真珠河又西北渡乏驛嶺五十里渡雪海
又三十里至碎卜戍傍碎卜水五十里至熱海又四十
里至凍城又百一十里至賀獵城又三十里至葉支城
出谷至碎葉川口八十里至裴羅將軍城又西四十里

至碎葉城城北有碎葉水水北四十里有羯丹山十姓可汗每立君長於此自碎葉西四十里至米國城又三十里至新城又六十里至頓建城又五十里至阿史不來城又七十里至俱蘭城又十里至稅建城又五十里至怛羅斯城自撥換碎葉西南渡渾河百八十里有濟濁館故和平舖也又經故達幹城百二十里至謁者館又六十里至據史德城龜茲境也一日鬱頭州在赤河北岸孤石山渡赤河經岐山三百四十里至葭蘆館又經達漫城百四十里至疏勒鎮南北西三面皆有山城在水中城東又有漢城亦在灘上赤河來自疏勒西葛

羅嶺至城西分流合於城東北入據史德界自撥換南而東經崑崗渡赤河又西南經神山睢陽鹹泊又南經疏樹九百三十里至于闐鎮城於闐西五十里有葦關又西經渤海西北渡繫館河六百二十里至到支滿城一曰磧南州又西北經苦井黃渠三百二十里至雙渠故羯飯館也又西北經半城百六十里至演渡州又北八十里至疏勒鎮自疏勒西南入劍末谷青山嶺青嶺不忍嶺六百里至蔥嶺守捉故羯盤陀國開元中置守捉安西極邊之戎有寧彌故城一曰達德力城曰汗彌國曰拘彌城于闐東三百九十里在建德力河東七百

里有精絕國于闐西南三百八十里。有皮山城。北與姑墨接。凍凌山在于闐東南七百里。又于闐東三百里有坎城。鎮東六百里。有蘭城。鎮南六百里。有胡弩鎮。西二百里。有固城。鎮西三百九十里。有吉良鎮。于闐東距且末鎮千六百里。自焉耆西五十里。過鐵門關。又二十里。至于術守捉。城又二百里。至榆林守捉。又五十里。至龍泉守捉。又六十里。至東夷僻守捉。又七十里。至西夷僻守捉。又六十里。至赤岸守捉。又百二十里。至安西都護府。又一路自沙州壽昌縣西十里。至陽關故城。又西至蒲昌海南岸千里。自蒲昌海南岸西經七屯城。漢伊

修城也又西八十里至石城鎮漢樓蘭國也亦名鄯善
在蒲昌海南三百里康輿典爲鎮使以通西域者又西
二百里至新城亦謂之弩支城輿典所築又西經特勒
井渡且末河五百里至播仙鎮故且末城也高宗上元
中更名又西經悉利支井祆井勿遮水五百里于闐東
蘭城守捉又西經移杜堡彭懷堡次城守捉三百里至
于闐

安南經交趾太平百餘里至峯州又經南田百三十里
至恩樓縣乃水行四十里至忠城州又二百里至多利
州又三百里至朱貴州又四百里至丹棠州皆生獠也

又四百五十里至古湧步水路距安南凡千五百五十里又百八十里經浮動山天井山山上夾道皆天井間不容跬者三十里二日行至湯泉州又五十里至祿索州又十五里至龍武州皆爨蠻安南境也又八十三里至儻遲頓又經入平城八十里至洞澡水又經南亭百六十里至曲江劍南地也又經通海鎮百六十里渡海河利水至絳縣又八十里至晉寧驛戎州地也又八十里至柘東城八十里至安寧故城又四百八十里至靈南城又八十里至白崖城又七十里至蒙舍城又八十里至龍尾城又十里至太和城又二十五里至羊苴咩

城自羊苴咩城西至永昌故郡三百里又西渡怒江至諸葛亮城二百里又南至樂城二百里又入驃國境經萬公等八部落至悉利城七百里又經突旻城至驃國千里又自驃國西度黑山至東天竺迦摩波國千六百里又西北渡迦羅都河至奔那伐檀那國六百里又西南至中天竺國東境恒河南岸羯朱傭羅國四百里又西至摩羯陀國六百里一路自諸葛亮城西去騰充城二百里又西至彌城百里又西過山二百里至麗水城乃西渡麗水龍泉水二百里至安西城乃西渡彌諾江水千里至大秦婆羅門國又西度大嶺三百里至東天

竺北界箇沒盧國又西南千二百里至中天竺國東北
境之奔那伐檀那國與驃國往婆羅門路合一路白驢
州東二日行至唐林州安遠縣南行經古羅江二日行
至環王國之檀洞江又四日至朱崖又經單補鎮二日
至環王國城故漢日南郡地也自驢州西南三日行度
霧溫嶺又二日行至棠州日落縣又經羅倫江及古朗
洞之石蜜山三日行至棠州文陽縣又經獠獠澗四日
行至文單國之算臺縣又三日行至文單外城又一日
行至內城一日陸真臘其南水真臘又南至小海其南
羅越國又南至大海

廣州東南海行二百里至屯門山乃帆風西行二日至九州石又南二日至象石又西南三日行至占不勞山山在環王國東二百里海中又南二日行至陵山又一日行至門毒國又一日行至古笄國又半日行至奔陀浪洲又兩日行到軍突弄山又五日行至海峽蕃人謂之質南北百里北岸則羅越國南岸則佛逝國佛逝國東水行四五日至訶陵國南中洲之最大者又西出硤三日至葛葛僧祇國在佛逝西北隅之別島國人多鈔暴乘舶者畏憚之其北岸則箇羅國箇羅西則哥谷羅國又從葛葛僧祇四五日行至勝鄧洲又西五日行至

婆羅國又六日行至婆國伽藍州又北四日行至師子國其北海岸距南天竺大岸百里又西四日行經沒來國南天竺之最南境又西北經十餘小國至婆羅門西境又西北二日行至拔颶國又十日行經天竺西境小國五至提颶國其國有彌蘭大河一日新頭河自北渤崑國來西流至提颶國北入於海又自提颶國西二十日行經小國二十餘至提羅盧和國一日羅和異國國人於海中立華表夜則置炬其上使舶人夜行不迷又西一日行至烏刺國乃大食國之弗利刺河南人於海小舟泝流二日至末羅國大食重鎮也又西北陸行千

里至茂門王所都縛達城自婆羅門南境從沒來國至
烏刺國皆緣海東岸行其西岸之西皆大食國其西最
南謂之三蘭國自三蘭國正北二十日行經小國十餘
至設國又十日行經小國六七至薩伊瞿和竭國當海
西岸又西六七日行經小國六七至沒與國又西北十
日行經小國十餘至拔離訶磨難國又一日行至烏刺
國與東岸路合西域有陀拔恩單國在疏勒西南二萬
五千里東距勃達國西至湟滿國皆一月行南至羅刹
支國半月行北至海兩月行羅刹支國東至都槃國半
月行西至沙蘭國南至大食國皆二十日行都槃國東

至大食國半月行南至大食國二十五日行北至勃達
國一月行勃達國東至大食國兩月行西北至岐蘭國
二十日行北至大食國一月行河沒國東南至陀拔國
半月行西北至岐蘭國二十日行南至沙蘭國一月行
北至海兩月行岐蘭國西至大食國兩月行南至涅滿
國二十日行北至海五日行涅滿國西至大食國兩月
行南至大食國一月行北至岐蘭國二十日行沙蘭國
南至大食國二十五日行北至涅滿國二十五日行石
國東至拔汗那國百里西南至東米國五百里罽賓國
在疏勒西南四千里東至俱蘭城國七百里西至大食

國千里南至婆羅門國五百里北至吐火羅國二百里
東米國在安國西北二千里東至碎葉國五千里西南
至石國千五百里南至拔汗那國千五百里史國在疏
勒西二千里東至俱蜜國千里西至大食國二千里南
至吐火羅國二百里西北至康國七百里

唐書卷第六十三

唐書卷第六十四

志四十

職官一

高祖發迹太原官名稱位皆依隋舊及登極之初未遑
改作隨時署置務從省便武德七年定令以太尉司徒
司空爲三公尚書門下中書祕書殿中內侍爲六省次
御史臺次太常光祿衛尉宗正太僕大理鴻臚司農太
府爲九寺次將作監次國子學次天策上將府次左右
衛左右驍衛左右領軍左右武侯左右監門左右屯左
右領爲十四衛府東宮置三師三少詹事府門下典書
兩坊次內坊次家令率更僕三寺次左右衛率府左右

宗衛率府左右虞候率府左右監門率府左右內率府
爲十率府王公以下置府佐國官公主置邑司已下並
爲京職事官州縣鎮戍岳瀆關津爲外職事官又以開
府儀同三司從一品特進正二品左光祿大夫從二品
右光祿大夫正三品散騎常侍從三品太中大夫正四
品通直散騎常侍正四品中大夫從四品上員外散騎
常侍從四品下中散大夫正五品上散騎侍郎正五品
下通直散騎侍郎從五品上員外散騎侍郎從五品下
朝議郎承議郎正六品通議郎通直郎從六品朝請郎
宣德郎正七品朝散郎宣義郎從七品給事郎徵事郎

正八品承奉郎承務郎從八品儒林郎登仕郎正九品
文林郎將仕郎從九品並爲文散官輔國正二品鎮軍
從二品二大將軍冠軍正三品雲麾從三品忠武壯武
宣威明威信遠遊騎遊擊自正四品上至從五品下十
將軍爲散號將軍以加武士之無職事者改上開府儀
同三司爲上輕車都尉開府儀同三司爲輕車都尉儀
同三司爲騎都尉秦王齊王下統軍爲護軍副統軍爲
副護軍上大都督爲驍騎尉大都督爲飛騎尉帥都督
爲雲騎尉都督爲武騎尉車騎將軍爲遊騎將軍親衛
驃騎將軍爲親衛中郎將其勲衛驃騎準此親衛車騎

將軍爲親衛中郎將其勲衛翊衛車騎並準此監門府
郎將爲監門中郎將領軍左右郎將準此諸軍驃騎將
軍爲統軍其秦王齊王下領三衛及庫直驅啞直車騎
並準此諸軍車騎將軍爲別將其散官文騎尉爲承議
郎屯騎尉爲通直郎雲騎尉爲登仕郎羽騎尉爲將仕
郎武德九年罷天策上將府貞觀元年改國子學爲國
子監分將作爲少府監通將作爲三監八年七月始以
雲麾將軍爲從三品階九月以統軍爲正四品下別將
正五品上十一年改令置太師太傅太保爲三師其三
公已下六省一臺九寺三監十二衛東宮諸司並從舊

定又改光祿大夫爲從二品金紫光祿大夫爲正三品
銀青光祿大夫爲從三品正議大夫爲正四品上通議
大夫爲正四品下太中大夫爲從四品上中大夫爲從
四品下中散大夫爲正五品上朝議大夫爲正五品下
朝請大夫爲從五品上朝散大夫爲從五品下其六品
下唯改通議郎爲奉議郎自餘依舊更置驃騎大將軍
爲從一品武散官輔國鎮軍二大將軍爲從二品武散
官冠軍將軍加大字及雲麾已下遊擊已上改爲五品
已上武散官又置昭武振威致果翊麾宣節禦武仁勇
陪戎八校尉副尉自正六品至從九品上階爲校尉下

階爲副尉爲六品已下武散官凡九品已上職事皆帶散位謂之本品職事則隨才錄用或從閒入劇或去高就卑遷徙出入參差不定散位則一切以門蔭結品然後考勞進敘武德令職事解散官欠一階不至爲兼職事卑者不解散官貞觀令以職事高者爲守職事卑者爲行仍各帶散位其欠一階依舊爲兼與當階者皆解散官永徽已來欠一階者或爲兼或帶散官或爲守參而用之其兩職事者亦爲兼頗相錯亂

原注其欠一階之兼古念反其

兩職事之兼古恬反字同音異耳

咸亨二年始一切爲守自高宗之後

官名品秩屢有改易今錄永泰二年官品其改易品秩

者注於官品之下若改官名及職員有加減者則各附

之於本職云

新書序曰唐之官制其名號祿秩雖因時增損而大抵皆沿隋舊其官司之別曰省

曰臺曰寺曰監曰衛曰府各統其屬以分職定位其辨貴賤敘勞能則有品有爵有勲有階以時考覈而升降之所以任羣材治百事其爲法則精而密其施於事則簡而易行所以然者由職有常守而位有常員也方唐之盛時其制如此蓋其始未嘗不欲立制度明紀綱爲萬世法而常至於交侵紛亂者由其時君不能慎守而徇一切之苟且故其事愈繁而官益冗至失其職業而卒不能復初太宗省內外官定制爲七百三十員曰吾以此待天下賢材足矣然是時已有員外置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉自中世已後盜起兵興又有軍功之官遂不勝其濫矣故採其綱目條理可爲後法及事雖非正後世遵用因仍而不能改者著於篇

唐初因隋舊武德

元年改東宮功曹曰親衛義曹曰勲衛改太守曰刺史加使持節丞曰別

駕書佐曰縣尉尋改曰正縣置主
簿以流外爲之改贊治曰治中
三年三月改納言爲

侍中內史令爲中書令給事郎爲給事中內史省爲中

書省

內允曰中舍人隸門下坊內舍人曰中舍人管記
舍人曰太子舍人隸典書坊五年改左右翊衛曰

左右衛府左右驍騎衛曰左右驍騎府左右屯衛曰左
右威衛左右禦衛曰左右領軍衛左右備身府曰左右
府七年改驃騎將軍皆爲郎將分左右東宮左右侍率
曰左右衛率府左右武侍衛率曰左右宗衛率府左右
宮門將曰左右監門率府改諸貞觀曰中允改治中曰
州總管府爲都督縣正復曰尉貞觀曰中允改治中曰
司馬下州亦置焉十二年六月改民部尚書爲戶
部尚書七月改治書侍御史爲御史中丞改諸州治中

爲司馬別駕爲長史治禮郎爲奉禮郎

永徽二年避太子諱改中郎將

曰旅賁郎郎將曰翊軍郎中允曰內
允中舍人曰內舍人太子廢復舊
顯慶元年改戶部

尚書爲度支尚書侍郎爲度支侍郎又置驃騎大將軍

員從一品

二年置洛州司馬五年改左右府曰左右千牛府

龍朔二年二月甲子

改百司及官名改尚書省爲中臺僕射爲匡政左右丞爲肅機左右司郎中爲承務吏部爲司列主爵爲司封考功爲司績禮部爲司禮祠部爲司禋膳部爲司膳主客爲司蕃戶部爲司元度支爲司度倉部爲司庾金部爲司珍兵部爲司戎職方爲司域駕部爲司輿庫部爲司庫刑部爲司刑都官爲司僕比部爲司計工部爲司平屯田爲司田虞部爲司虞水部爲司川餘司依舊尚書爲太常伯侍郎爲少常伯郎中爲大夫中書門下爲

東西臺侍中爲左相黃門侍郎爲東臺侍郎給事中爲
東臺舍人散騎常侍爲左右侍極諫議大夫爲正諫大
夫中書令爲右相侍郎爲西臺侍郎舍人爲西臺舍人
祕書省爲蘭臺監爲太史少監爲侍郎丞爲大夫

祕書郎爲

蘭臺郎

著作局爲司文局著作郎爲司文郎中太史局爲

祕閣局太史令爲祕閣郎中御史臺爲憲臺御史大夫
爲大司憲御史中丞爲司憲大夫殿中省爲中御府丞
爲大夫尚食爲奉膳尚藥爲奉醫尚衣爲奉冠尚舍爲
奉宸尚乘爲奉駕尚輦爲奉輿並爲大夫內侍省爲內
侍監

新書改監爲省

太常爲奉常光祿爲司宰衛尉爲司衛宗

正爲司宗太僕爲司馭大理爲詳刑正爲大夫鴻臚爲
司文司農爲司稼太府爲外府卿並爲正卿少府監爲
內府監將作監爲繕工監大匠爲大監少匠爲少監國
子監爲司成館國子祭酒爲大司成司業爲少司成博
士爲宣業都水爲司津監左右衛府左右驍衛府左右
武衛府並除府字左右屯衛府爲左右威衛左右威衛
曰左右武
威衛左右領軍衛爲左右戎衛左右候衛爲金吾衛左右
監門
府曰左右千牛爲奉宸衛後又曰
千牛衛屯營爲羽林軍詹事
爲端尹府門下典書爲左右春坊左右庶子爲左右中
護中允爲左贊善大夫置左右諭
德各一人洗馬爲司經大夫司經

局曰桂坊罷隸左春坊領崇賢館中舍人爲右贊善大
置文學四人錄事一人正九品下

夫家令寺爲官府寺率更寺爲司更寺僕寺爲馭僕寺

長官並爲大夫左右衛率府爲典戎衛左右宗衛率府

爲司禦衛左右虞候率府爲清道衛監門率府爲崇掖

衛內率府爲奉裕衛七日又制廢尚書令改起居郎爲

左史起居舍人爲右史著作佐郎爲司文郎太史丞爲

祕閣郎左右千牛爲奉宸司議郎爲左司議郎太子舍

人爲右司議郎典膳藥藏內直監官門大夫並改爲郎

齋帥局曰典設太子千牛爲奉裕三年改司經大夫總章

二年置司列司戎少常伯各兩員咸亨元年十二月詔

龍朔二年新改尚書省百司及僕射已下官名並依舊

其東宮十率府有異上臺諸衛各宜依舊為率府其左

司議郎除左字不分左右其後諭德廢而司議郎復分司經局復隸左春坊省錄事其左

右金吾左右威衛依新改左右或衛曰領軍衛儀鳳四

以同姓為之上元二年諸州置別駕以諸王子為之永隆元年廢永淳元年七月置州

別駕先宅元年九月改尚書省為文昌臺俄改文昌都省左右

僕射為文昌左右相吏部為天官戶部為地官禮部為

春官兵部為夏官刑部為秋官工部為冬官門下省為

鸞臺新書垂拱元年誤中書省為鳳閣侍中為納言中書令為

內史太史局曰渾天監不隸麟臺俄改曰渾儀監置副監及丞主簿改司辰師曰司辰太常為

司禮

新書作司常

鴻臚爲司賓宗正爲司屬光祿爲司膳太

府爲司府太僕爲司僕衛尉爲司衛大理爲司刑司農

依舊左右驍衛爲左右威衛

新書武威衛

左右武衛爲左右

鷹揚衛左右威衛爲左右豹韜衛左右領軍衛爲左右

玉鈴衛左右金吾衛依舊御史臺改爲左肅政臺專知

京百官及監諸軍旅并承詔出使更置右肅政臺專知

諸州案察

尋命左臺兼察州縣兩臺歲再發使八人春曰風俗秋曰廉察以四十八條察州縣兩臺

御史有假有檢校有員外有試

垂拱元年二月改黃門侍郎爲鸞臺侍

郎文昌都省爲都臺主爵爲司封祕書省爲麟臺內侍

省爲司官臺少府監爲尚方監其左右尚方兩署除方

字

互市監為通市監

將作監為營繕監

新書咸亨元年改

國子監為成

均監都水監為水衡監

使者曰都尉

其詹事府為官尹府詹

事為太尹少詹事為少尹左右內率府為左右奉裕率

府千牛為左右奉裕左右監門率府為左右控鶴禁率

府諸衛鎧曹改為冑曹司膳寺餽藏署改為珍羞署十

月增置天官侍郎二員又置左右補闕拾遺各二員三

年加秋官侍郎一員永昌元年置左右司員外郎各一

員天授二年增置左右補闕拾遺各三員通滿五員改

起居郎為左史長壽二年增夏官侍郎三員

延載元年改符璽郎

為符寶郎大足元年加營繕少匠一員左右羽林衛各增置

將軍一員洛雍并荆揚益六州置左右司馬各一員長

安

二年渾儀監復曰太史局廢副監及丞隸麟臺
如故改天文博士曰靈臺郎麻博士曰保章正

三年

改都臺增置司勳員外郎一員地官依舊置侍郎一員
爲中臺

洛并及三大都督府司馬宜依舊置一員神龍元年二

月臺閣官名並依永淳已前故事廢左右司員外郎左

右千牛衛各置大將軍一員東都置太廟官吏增置太

常大理少卿各一員二年又置員外郎凡一千餘人超

授閣宦七品已上員外者又千餘人十二月復置左右

司員外郎各一員

景龍元年置掌書記二年改太史局
曰太史監不隸祕書省復置丞三年

置司田參軍事

景雲

元年改太史監爲局隸祕書
省踰月爲監歲中復爲局

二年

唐隆元年廢

改門下坊日左春坊復置太子左右諭德太子左右贊善大夫各

兩員左右贊善大夫始兼用庶姓左雍洛及大都督府

長史加為三品階別駕致敬依前改太史局為太極元年

廢御史右臺光祿大理鴻臚太府衛尉宗正各增置少卿一

員祕書少監國子司業少府少監將作少匠左右臺中

丞各增置一員復置御史右臺歲中以尚書省隸左臺月餘復廢右臺雍洛二州

及益并荆揚四大都督府各增置司馬一員分為左右

司馬開元元年十二月改尚書左右僕射為左右丞相

中書省為紫微省門下省為黃門省侍中為監符璽郎為符寶

郎有藏署為珍羞署左右虞雍州為京兆府洛州為河

候率府復為左右清道率府

南府長史爲尹司馬爲少尹錄事參軍爲司錄參軍諸

參軍爲餘司改司爲曹二年改渾儀監曰太史五年九

月紫微省依舊爲中書省黃門省爲門下省黃門監爲

侍中七年改崇文館讐校曰校書郎十一年太原府亦

廢少監廢諸王府常二十四年九月改主爵爲司封天

寶元年二月侍中改爲左相中書令改爲右相左右丞

相依舊爲僕射黃門侍郎爲門下侍郎改州爲郡刺史

爲太守太史局復爲監自是不隸祕書省八十一載正

月改吏部爲文部兵部爲武部刑部爲憲部其行內諸

司有部者並改改駕部爲司駕改庫部爲司庫金部爲

司金倉部爲司儲比部爲司計祠部爲司禋膳部爲司

膳虞部爲司虞水部爲司水將作大匠爲監少匠爲少

監十三載置內侍監改內侍監尋更置內侍至德二載十二月敕近日所

改百司額及郡名并官名一切依故事於是侍中中書

令兵吏部等並仍舊罷郡爲州復以太守爲刺史乾元元年

改太史監爲司天臺改令爲監門下侍郎爲黃門侍郎大祿二年復舊上元二年復置司田參軍事諸州復置

別駕德宗時省文宗時復置德宗卽位改諸州經學博士曰文學元和六年廢中州下州文學開成元年改諸

王侍讀曰奉諸王講讀大中初復舊

正第一品

太師太傅太保太尉司徒司空原注已上職事官王原注爵武德令有天

策上將
九年省

從第一品

開府儀同三司原注文散官開府儀同三司及特進不帶職事官者朝參祿俸並同職事仍隸

吏部也 太子太師太子太傅太子太保原注已上驃騎大

將軍原注武散官 嗣王郡王國公原注爵

正第二品

特進原注文散官 侍中中書令舊班正三品大厯二年升入正二品 輔國大將

軍原注武散官 開國郡公原注爵武德令唯有公侯伯子男貞觀十一年加開國之稱也 上

柱國原注勳官武德令有尚書令龍朔二年省

從第二品

尚書左右僕射太子少師太子少傅太子少保京兆河

南太太原等七府牧揚幽潞陝靈大都督單于安西大都

護原注已上職事官左右十六衛上將軍新書正六軍統軍三品

光祿大夫原注文鎮軍大將軍原注武散官開國縣公原注

柱國原注勲官

正第三品

侍中中書令大厯二年吏部尚書原注舊班在左相上開元令移在下門

下侍郎中書侍郎原注舊班正四品御史大夫舊班從三品會

昌二年左右衛左右驍衛左右武衛左右威衛左右領軍

衛左右金吾衛左右監門衛左右羽林衛左右龍武左

右神武六軍大將軍龍武神武新書正二品左右千牛衛大將軍

左右神策軍大將軍新書正二品神威軍大將軍原注自左右衛已下

並為武職戶部禮部兵部刑部工部尚書原注武德令禮部次吏部

兵部次之民部次之貞觀年改以民部次禮部兵部次之則天初又改以戶部次吏部禮部次之兵部次之

太子賓客原注舊兼職無品開元前令定入官品也太常卿宗正卿舊班從三品天

寶初太子詹事左右散騎常侍原注舊班從三品廣德年升人也內侍監

原注唐初舊制內侍省無三品官內侍四員秩四品天寶十三載十二月元宗以中官高力士袁思藝承恩遇特置

內侍監兩員秩三品以授之○新書從三品中都督上都護原注已上並為文職事官金紫

光祿大夫原注文散官冠軍大將軍原注武散官懷化大將軍原注

顯慶三年置以授初上護軍原注勳官懷化將軍正三品下武散官○舊闕補

附首領仍隸諸衛也

從第三品

御史大夫

原注舊班在祕書監九卿下開元令移在上○會昌二年升正三品

祕書監光

祿衛尉太僕大理鴻臚司農太府卿國子祭酒殿中監

少府監將作監諸衛羽林千牛龍武神武神策神威將

軍下都督上州刺史京兆河南太原等七尹

原注舊雍洛長史從

四品上景雲二年加秩為從三品也

五大都督府長史

原注舊從四品上景雲二年加秩為從三品

大都護府副大都護

舊班正四品上開元令升

親王傅

原注已上並職事官惟諸衛羽

林千牛龍武將軍為武餘並為文

銀青光祿大夫

原注文散官

開國侯

原注

雲麾將軍

原注武散官

歸德大將軍

原注顯慶二年置以授護初附首領仍隸諸衛也

軍

原注勳官武德令有天策上將府長史司馬九年省也

歸德將軍

從三品下武散官○舊關補

正第四品上階

門下侍郎中書侍郎

原注舊正四品下階開元令加尚人上階○大厯二年升正三品

書左丞

原注永昌元年進為正三品如意元年復舊

吏部侍郎

原注武德七年省諸司侍

郎吏部郎中為正四品上貞觀三年復置侍郎其吏部郎中復舊為從五品下

太常少卿太子

左庶子太子少詹事太子左右衛左右司禦左右清道

左右內率左右監門率府率中州刺史軍器監

原注武德初為

正三品七年省八年復置九年又省十年復置北都軍器監

上都護府副都護上府

折衝都尉

原注武德初為統軍正四品下後改為折衝都尉垂拱令始分為上中下府改定官品自

此已上職事官率及正議大夫

原注文

開國伯

原注忠

武將軍

原注武散官

上輕車都尉

原注勳官

正第四品下階

左右諫議大夫御史中丞

舊班正五品上並會昌二年升

尚書右丞

原注

永昌元年進為從三品如意元年復舊

諸司侍郎太子右庶子左右諭德

左右千牛衛左右監門衛中郎將親勳翊衛羽林中郎

將中都督府別駕下州刺史

原注武德令中州刺史正四品下下州刺史從四品

上貞觀令一切為下州加入正四品下自此已上職事官中郎將為武餘並為文

通議大夫

原注

文散官

壯武將軍

原注武散官

懷化中郎將

武散官舊闕補

從第四品上階

祕書少監八寺少卿殿中少監司天臺少監

舊班從七品下乾元

元年升○新書正四品上

太子左右衛司禦清道內率監門副率太

子親勲翊衛中郎將太子家令太子率更令太子僕內

侍少監新書內侍上都護府副都護親王府長史原注已上職事

官府率中郎將為武餘並為文太中大夫原注文散官宣威將軍原注武散官輕

車都尉原注勲官

從第四品下階

國子司業少府少監將作少匠京兆河南太原府少尹

大都督府大都護府親王府司馬新書大都護府司馬正五品下下都

督府上州別駕原注已上職事文官武德令上州別駕正五品上貞觀二十三年為長史高宗

上元中復置別駕定入從四品也中府折衝都尉原注武職事官中大夫原注文散

官明威將軍原注武散官武德令有天策上將府從事中郎九年省歸德中郎將

武散官。
舊闕補

正第五品上階

諫議大夫御史中丞

原注武德令從五品上貞觀令加
入正五品上五年又加入四品如

意元年復舊○會昌
二年升入正四品下

國子博士五經博士給事中中書

舍人太子中允

新書正
五品下

太子左右贊善大夫都水使者

萬年長安河南洛陽太原晉陽奉先會昌縣令

原注武
德元年

敕萬年長安令爲正五品上七年
定令改爲從五品貞觀初復舊也

親勳翊衛羽林郎將

中都督府上都護府長史親王府諮議參軍事

原注武
德今正

五品
下也

軍器少監太史少監

此條
誤

司天臺五官正親王府

典軍

原注已上職事官郎將典軍爲武餘並爲文永
徽令親王典軍從四品下垂拱令改入五品也

中

散大夫

原注文散官

開國子

原注爵

定遠將軍

原注武散官

上騎都

尉

原注勳官

正第五品下階

太子中舍人尚食尚藥奉御太子親勲翊衛郎將內常

侍中都督大都護上都護府司馬中州別駕下府折衝

都尉

原注已上職事官郎將折衝爲武餘並爲文

朝議大夫

原注文散官

寧遠將

軍

原注武散官武德令有上將府軍諮祭酒九年省

懷化郎將

原注武散官舊闕補

從第五品上階

尚書左右諸司郎中

原注武德令吏部郎中正四品上諸司郎中正五品上貞觀二年並

改爲從五品上也○新書吏部郎祕書丞原注武德令中正五品上諸司郎中從五品上

改徵令也著作郎太子洗馬新書從五品下殿中丞尚衣尚舍尚乘

尚輦奉御獻陵昭陵恭陵橋陵八陵令原注武德諸陵令從七品下永

徵二年加獻昭二陵令為從五品上親王府副典軍下已後諸陵並相承依獻昭二陵也

都督府上州長史下州別駕原注已上職事官典軍為武餘並為文也朝請

大夫原注文散官開國男原注爵游騎將軍原注武散官騎都尉原注

勳官舊有太公廟令武德年七品下永徵二年加從五品上開元二十四年省

從第五品下階

大理正太常丞太史令內給事太子典內原注舊正六品上開元令

改下都督府上州司馬原注武德令上州治中親王友

原注武德令宮苑總監九成宮總監上牧監上府果毅正五品下

都尉

原注已上職事官果毅為武餘並為文

駙馬都尉奉車都尉

原注並武散官

駙馬自近代已來唯尚公主者授之奉車有唐已來無其人

朝散大夫

原注文散官

游擊

將軍

原注武散官武德令有天策上將府主簿記室參軍九年省神龍令有庫谷斜谷監也

歸德

郎將

武散官○舊闕補

正第六品上階

太學博士

原注武德令從六品上貞觀年改

廣文館博士司天臺五官

副正司天臺丞

新書○乾元元年入從四品上

殿中監侍御尚醫

新書

太子詹事府丞太子司議郎太子舍人中州長史

原注武德

令中州別駕從五品上貞觀年改

太子典膳藥藏郎

新書並從六品下

京兆河

南太原府諸縣令

原注武德元年敕雍州諸縣令階從五品上七年改定

親王府

掾屬

原注武德令從五品下

武庫中尚署令

原注武德令依上署令從七品下太極年

改武庫令階開元年改中尚令階

諸衛左右司階中府果毅都尉鎮軍

兵滿二萬人已上司馬

原注已上職事官司階果毅為武餘並為文

親勳翊

衛校尉

原注衛官

朝議郎

原注文散官

昭武校尉

原注武散官

驍騎尉

原注勳官

正第六品下階

千牛備身左右

原注衛官已上王公已下高品子孫起家為之

太子文學下州

長史

原注武德中下州別駕正六品貞觀二十三年改為長史永淳元年諸州置別駕官天寶八載停別

駕下郡置長史上元二年諸州置別駕不廢下州長史

中州司馬

原注武德令中州治中從五品

下貞觀令改

內謁者監中牧監上牧副監

原注已上

上鎮將

原注武職事官武承議郎原注文散官昭武副尉原注武散官

德令從四品下
有天策上將府諸曹懷化司階武散官
參軍事九年省也
舊闕補

從第六品上階

起居郎起居舍人尚書諸司員外郎原注武德令吏部員外郎正六品上

諸司員外郎從六品下貞觀二年改
八寺丞大理司直國子助教原注武德令從

七品上
城門符寶郎通事舍人祕書郎原注武德令正七品上著作

佐郎原注武德令正七品上侍御醫原注武德乾封令正七品上

新書正
六品上
諸衛羽林長史兩京市署令原注武德四年進為從五品上七年

定令
復舊
下州司馬原注武德令中下親王文學主簿記室

錄事參軍原注武德令親王府文諸州上縣令原注已上並正六品下

事諸率府左右司階原注武職事官鎮軍兵不滿二萬人司馬

原注文職事官左右監門校尉親勳翊衛旅帥太子親勳翊衛

校尉原注衛官奉議郎原注文散官振武校尉原注武散官騎尉原注勳官

從第六品下階

侍御史原注舊從七品上垂拱令改少府將作國子監丞太子內直

典設宮門郎太公廟令司農寺諸園苑監沙苑監下牧

監宮苑總監副九成宮副監互市監中牧副監原注已上文職

事官下府果毅都尉原注武職事官新書正六品下親王府校尉原注衛官

通直郎原注文散官振武副尉原注武散官歸德司階原注武散官舊闕補

正第七品上階

四門博士詹事司直左右千牛衛長史尚食尚藥直長

殿中監進馬新書太子左右衛司禦清道率府長史軍器

監丞諸州中縣令京兆河南太原府司錄參軍事大都

督大都護府錄事參軍事親王府諸曹參軍原注已上文職事官

武德令親王府功曹倉曹戶曹兵曹參軍從五品下中鎮將

品下騎曹鎧曹田曹士曹水曹參軍事七品下太子千牛新書從七品上親勳翊衛隊正副

隊正新書正七品下○朝請郎原注文散官致果校尉原注武散

官雲騎尉原注勳官

正第七品下階

尚衣尚舍尚乘尚輦直長太子通事舍人內寺伯京兆

河南太原府大都督大都護府諸曹參軍中都督上都

護府錄事參軍事諸倉諸冶司竹溫湯監

新書司竹溫湯並從六品

下五官靈臺郎

舊班正八品下

司天臺主簿

舊班從八品下

諸衛左右

中候上府別將

原注武德令別將正五品上後改爲果毅聖厯二年復置別將

上府長

史

原注武德令統軍長史正八品下

上鎮副

原注武德令從五品下

下鎮將

原注武德

令正六品下

下牧副監沙苑副監百工等監

原注已上職事官中候別將鎮

副鎮將爲武餘並爲文也

宣德郎

原注文散官

致果副尉

原注武散官武德令又有天策

上將府參軍事九年省又有鹽池鹽井監諸王百司問事調者

懷化中候

武散官舊闕補

從第七品上階

殿中侍御史

原注武德至乾封令並正八品上垂拱年改

左右補闕太常博

士太學助教

原注武德令從八品下

門下錄事中書主書尚書都

事九寺主簿太子詹事主簿太子左右內率監門率府

長史太子侍醫太子三寺丞都水監丞諸州中下縣令

親王府東西閣祭酒

原注武德令正六品下

京縣丞

原注萬年長安河南洛陽

奉先會昌太原晉陽

下都督府上州錄事參軍事中都督上都護

府諸曹參軍中府別將長史中鎮副

原注武德令正六品下已上職事官

別將鎮副為武餘並為文

左右監門直長勲衛太子親衛

原注已上衛官

散郎

原注文散官

翊麾校尉

原注武散官

武騎尉

原注勲官

從第七品下階

太史丞

原注監局同○新書正六品上○乾元元年升從四品上

御史臺少府將作

國子監主簿

原注御史臺國子監主簿舊正八品垂拱令改

內侍省寺人

新掖

庭令宮闈令上署令

原注郊社太樂鼓吹太醫大官左藏乘黃典客上林太倉平準常平

左尚右尚典廐典牧武德令有太廟諸陵典農中尚都水常平其左尚典牧本中署右尚本下署開元初改之

也五官保章正

舊班從八品上諸州下縣令

原注天寶五載諸一切為中下縣諸

陵署丞

原注永徽二年加秩舊有太廟署丞武德為九品永徽二年加秩開元年省

司農寺

諸園苑副監

原注神龍令有諸冶副監

百工等副監官苑總監丞九

成宮丞下都督府諸曹參軍太子內坊丞

原注舊正八品上開元初

改親王國令

原注舊規流內正九品太極年改

公主家令

原注舊規流內正八品太

極年

上州諸曹參軍事下府別將長史下鎮副

原注武德令從

六品諸屯監

原注武德令有漆園監

諸率府左右中候鎮

軍滿二萬人以上諸曹判司

原注已上職事官別將鎮副中候為武餘並為文

太子左右監門直長親王府旅帥諸折衝府校尉

原注已上

衛官武德令諸府校尉正六品下

宣議郎

原注文散官

翊麾副尉

原注武散官

歸

德中候

武散官舊關補

正第八品上階

監察御史

原注舊從八品上垂拱令改○新書正八品下

協律郎諸衛羽林龍

武軍錄事參軍事中署令

原注鈞盾右藏織染掌冶武德令有衣冠署令

中州

錄事參軍事太醫博士太子典膳藥藏丞軍器監主簿

武庫署丞

原注舊從八品下開元改

南京市署丞上牧監丞

原注武德令從

八品下神龍令有庫谷斜谷太尹陰陽監丞

五官挈壺正

舊班從八品下

鎮軍不滿

二萬人以上諸曹判司

原注已上文職事官

翊衛太子勲衛親王

府執仗執乘親事

原注已上衛官

給事郎

原注文散官

宣節校尉

原注

武散官武德令有天策上將府典籤九年省

正第八品下階

奚官內僕內府局令下署令

原注太卜廩犧珍羞良醢掌醢守官武器車府司儀

崇元巢官中校右校左校甄官舟楫河渠弩坊甲坊神龍令又有干機二署令

諸衛羽林龍武

諸曹參軍事中州諸司參軍事親王府京兆河南太原

府大都督大都護府參軍事

原注武德令親王府參軍從七品下雍州行參軍正

八品上

尚藥局司醫京兆河南太原府諸縣丞太子內直

典設宮門丞太公廟丞諸宮農圃監互市監丞司竹副

監新書正七品下司農寺諸園苑監丞百工等監丞五官靈臺

郎升正七品下五官監候舊班從九品下司天臺主事新書河隄謁者

新書○原注已諸衛左右司戈上戌主原注已上武職

上文職事官中鎮原注備身原注徵事郎原注文散官宣節副尉原注武德令有懷化

司戈武散官○舊闕補

從第八品上階

左右拾遺太醫署針博士四門助教原注武德令從九品上左右

千牛衛錄事參軍下州錄事參軍原注武德令有中諸

州上縣丞中牧監丞原注武德令正八品上京縣主簿太子左右

衛司禦清道率府錄事參軍中都督府上都護府參軍

親王府行參軍原注武德令正八品上京兆河南太原大都督府

博士原注武德令雍州博士從八品下諸倉諸冶司竹

新書正溫湯新書正七品下監丞原注武德令有鹽池鹽井五

官保章正舊班正七品上五官司厓舊班從九品上諸太子廟

令新書○原注已太子翊衛諸府旅帥原注已上衛官

府旅帥正承奉郎原注文散官禦侮校尉原注武散官

從第八品下階

大理評事律學博士大醫署醫監太子左右春坊錄事

左右千牛衛諸曹參軍內謁者太子左右衛司禦清道

率府諸曹參軍事太子諸署令掖庭宮闈局丞太子內

坊坊事

新書

太史

新書正七品上

都水監主簿

原注太史爲局則省主簿

中書

門下尚書都省兵吏部考功禮部主事

原注舊從九品上開元二十四

年改七司入入品其省內諸司依舊

上署丞

原注武德令有芳醞監丞

下都督府上州

錄事參軍事中都督府上州博士

新書中都督府博士從八品上

大都

督府醫學博士

新書從八品上

諸州中縣丞諸王府典籤

原注武德

令正八品下

京縣尉親王國大司農

原注舊規流內正第七品開元初改

公主

家丞

原注舊規流內正第九品開元初改

諸屯監丞諸太子陵令上關令

上府兵曹

新書正八品下

上鎮倉曹兵曹參軍事

原注武德令有下鎮長史

五官掣壺正

升正八品上○原注已上文職事官

中戍主上戍副率府左

右司戈

新書從八品上○原注已上武職事官

太子備身親王府隊正

原注

已上
衛官
承務郎
原注文
御侮副尉
原注武
歸德司戈
武散
官○
舊闕
補

正第九品上階

校書郎

原注永徽令加入從八品下垂拱令復舊

太祝太子左右內率監門

府錄事參軍事太子內坊典直中署丞典客署掌客親

勳翊衛府羽林兵曹參軍事岳瀆令諸津令下牧監丞

原注武德令正八品下神龍令有沙苑丞五官司辰
新書○舊班正九品下

諸州中下縣丞下都督府中州博士
原注武德令正九品下中都

督府醫學博士
新書京兆河南太原府諸縣主簿武庫署

監事
原注已上文職事官武德令有天策上將府錄事九年省其武庫監事從九品下太極年改儒

林郎

原注文散官

仁勇校尉

武散官

正第九品下階

正字

原注永徽令改入上階垂拱令復舊

太子校書

原注永徽令改入上階垂拱令復舊

奚

官內僕內府局丞下署丞尚食局食醫尚藥局醫佐尚

乘局奉乘司庫司廩尚輦局尚輦太史局司辰

新書正九品上

典廐署主乘太子左右內率監門率府諸曹參軍事太

子三寺主簿詹事府錄事

原注龍朔年置佳坊錄事咸亨年省

太子親勳

翊府兵曹參軍事

新書從九品上

諸州下縣丞諸州上縣主簿

中州錄事參軍事

原注武德令正九品上

下州博士

原注武德令中州博士從

九品上下州博士從九品下

上州醫博士

新書從九品下

下都督府醫博士

新書 京兆河南太原府諸縣尉上牧主簿諸官農圃監丞

沙苑監丞諸太子廟丞新書中關令中府兵曹親王國尉

原注舊規流內正八品開元初改武德令有親王府問事及司閤親王國學官食官廐

牧典府長公主邑主簿新書上關丞原注武德令有上津尉諸衛左

右執戟中鎮兵曹參軍下戍主原注已上職事官執戟戍主為武餘並為文

諸折衝府隊正原注衛官登仕郎原注文散官仁勇副尉原注武散官

懷化執戟武散官。舊關補

從第九品上階

尚書諸司御史臺祕書省殿中省主事奉禮郎律學助

教太子正字宏文館校書太史司厯新書從八品上太醫署醫

助敎京兆河南太原府九寺少府軍器將作監錄事

新書

軍器監從九品下

都督都護府上州錄事

新書上州從九品下

市令宮苑

總監主簿九成宮主簿中牧監主簿

原注永徽令有監曹

諸州中

下縣主簿京兆河南太原府醫博士上縣尉下府兵曹

原注已上文職事官

文林郎

原注文散官

陪戎校尉

原注武散官

從第九品下階

內侍省主事御史臺國子監親王府錄事太子左右春

坊主事崇文館校書書學算學博士門下典儀太醫署

按摩咒禁博士按摩師

新書

針助敎針師

新書

醫正太卜署

博士卜正太史局監候

新書正八品下

親王國丞

原注舊規流內正第九品

開元初改從正流內掖庭局宮教博士太子諸署丞太子典廐牧

署典乘諸監作諸監事計官太官署監膳太樂鼓吹署

樂正司天臺漏刻博士新書諸太子陵署丞大理寺獄丞

下州錄事下州參軍事原注武德令中州行參軍正九品下下州行參軍從九品上

中下州醫博士諸州中下縣尉京縣錄事市令丞新書沙

苑監主簿下牧監主簿下關令中關丞諸衛羽林長上

親王國學官食官廐牧典府丞公主邑司錄事諸津丞

下鎮兵曹參軍原注武德令有諸橋諸堰丞諸率府左右執戟原注已上

職事官長上執戟為武餘並為文親王府隊副諸折衝府隊副原注已上衛官

將仕郎原注文散官陪戎副尉原注武散官歸德執戟武散官舊闕補

流內九品三十階之內又有視流內起居五品至從九品

初以薩寶府親王國官及三師三公開府嗣郡王上柱國已下護軍已上勲官帶職事者府官等品開元初一切罷之今唯有薩寶祆正二官而已又有流外自勲品以至九品以爲諸司令史贊者典謁亭長掌固等品視流外亦自勲品至九品開元初唯留薩寶祆祝及府史餘亦罷之

職事者諸統領曹事供命

字疑誤

王命上下相攝以持庶

績近代已來又分爲文武二職分曹置員各理所掌五

品已上舊制吏部尚書進用自隋已後則中書門下知政事官訪擇聞奏然後下制授之三品已上德高委重者亦有臨軒冊授自神龍之後冊禮廢而不用朝廷命官制敕而已六品已上吏部選擬錄奏書旨授之

有唐已來出身入仕者著令有秀才明經進士明法書算其次以流外人流若以門資入仕則先授親勲翊衛六番隨文武簡入選例又有齋郎品子勲官及五等封爵屯官之屬亦有番第許同揀選天寶三載又置崇元學習道德等經同明經例自餘或臨時聽敕不可盡載其秀才有唐已來無其人職事官資則清濁區分以次

補授又以三品已下官及門下中書侍郎尚書左右丞
諸司侍郎太常少卿太子少詹事左右庶子祕書少監
國子司業爲清望官太子左右諭德左右衛左右千牛
衛中郎將太子左右率府左右內率府率及副太子左
右衛率府中郎將原注已上四品諫議大夫御史中丞給事中
中書舍人太子中允中舍人左右贊善大夫洗馬國子
博士尚書諸司郎中祕書丞著作郎太常丞左右衛郎
將左右衛率府郎將原注已上五品起居郎起居舍人太子司
議郎尚書諸司員外郎太子舍人侍御史祕書郎著作
佐郎太學博士詹事丞太子文學國子助教原注已上六品左

右補闕殿中侍御史太常博士四門博士詹事司直太

學助教

原注已上七品

左右拾遺監察御史四門助教

原注已上八品

爲清官自外各以資次遷授開元中裴光庭爲吏部尚書始用循資格以注擬六品已下選人其後每年雖小有移改然相承至今用之

武散官舊謂之散位不理職務加官而已後魏及梁皆以散號將軍記其本階自隋改用開府儀同三司已下貞觀年又分文武入仕者皆帶散位謂之本品

以門資出身者諸嗣王郡王出身從四品下親王諸子封郡公者從五品上國公正六品上郡公正六品下縣

公從六品上侯正七品上伯正七品下子從七品上男
從七品下皇帝總麻以上親皇太后周親出身六品上
皇太后大功親皇后周親從六品上皇帝袒免親皇太
后小功總麻親皇后大功親正七品上皇后小功總麻
親皇太子妃周親從七品上其外戚各依服屬降宗親
二階敘諸娶郡主者出身六品上娶縣主者正七品上
郡主子出身從七品上縣主子從八品上一品子正七
品上二品子正七品下三品子從七品上從三品子從
七品下正四品子正八品上從四品子正八品下正五
品子從八品上從五品及國公子從八品下三品以上

蔭曾孫五品以上蔭孫孫降子一等曾孫降孫一等
秀才出身上上第正八品上上中第正八品下上下第
從九品上明經出身上上第從八品下上中第從九品
上進士明經出身甲第從九品上乙第從九品下若通
二經已外每一經加一等

勲官預文武選者上柱國正六品上敘以下遞降一階
凡入仕之後遷代則以四考爲限四考中中進年勞一
階敘每一考中上進一階一考上下進二階五品已上
非恩制所加更無進階之令

自武德至乾封未有汎階之恩應入三品者皆以恩舊

特拜入五品者多依選敘計階至朝散大夫已上奏取進止每年量多少進敘餘並依本品授官若滿三計至卽一切聽入至乾封元年文武普加二階永淳元年二月敕文武官累積勞効計三品一計至者多未甄擢再計至者隨例必升賢愚一貫自今已後一計至已上有在官清慎狀迹灼然有才堪應務者所司具狀錄奏當與進階若公正無聞循默自守及未經任州縣官者雖頻經計至不在加階之限卽爲恒例宏道元年又普加一階乃有九品職事及三衛階高者並入五品則天朝汎階漸多始令仕經八考職事六品者許入萬歲通天

元年敕自今已後文武官加階應入五品者並取出身已歷十二考已上進階之時見居六品官其應入三品人出身已二十五考已上進階見居三品官無幾入五品又加至十六考神功元年制勲官品子流外國官出身不得任清資要官應入三品不得進階開元已來伎術者經二十考三省都事及主事錄事十八考亦聽敘吏部檢勘歷任階考判成錄奏每制之日句有脫誤應入三品五品者皆令人參趁或是遠方牧宰諸司閒職齎持金帛贈遺主典知加階令史乃有受納萬數者臺省要職以加位爲榮亦有遺主典錢帛者

舊例開府及特進雖不職事皆給俸祿預朝會行立在於本品之次光祿大夫已下朝散大夫已上衣服依本品無祿俸不預朝會朝議郎已下黃衣執笏於吏部分番上下承使及親驅使甚爲猥賤每當上之時至有爲主事令史守局鑰執鞭帽者兩番已上則隨番許簡通時務者始令參選一登職事已後雖官有代滿卽不復番上

勲官者出於周齊交戰之際本以酬戰士其後漸及朝流階爵之外更爲節級周置上開府儀同三司開府儀同三司上儀同三司儀同三司等十一號隋文帝因周

之舊更增損之有上柱國柱國上大將軍大將軍上開
府儀同三司開府儀同三司上儀同三司儀同三司大
都督帥都督都督起正二品至七品總十一等用賞勲
勞煬帝又改爲左光祿大夫右光祿大夫金紫光祿大
夫銀青光祿大夫正議大夫朝請大夫朝散大夫建節
奮武尉宣惠尉十一等以代都督已上又增置綏德懷
仁守義奉誠立信等五尉以至從九品武德初雜用隋
制至七年頒令定用上柱國柱國上大將軍大將軍上
輕車都尉輕車都尉上騎都尉騎都尉驍騎尉飛騎尉
雲騎尉武騎尉凡十二等起正二品至從七品貞觀十

一年改上大將軍爲上護軍大將軍爲護軍自外不改行之至今永徽已後以國初勲名與散官名同年月旣久漸相錯亂咸亨五年三月更下詔申明各以類相比武德初光祿大夫比今日上柱國左光祿大夫比柱國右光祿大夫及上大將軍比上護軍金紫光祿大夫及將軍比護軍銀青光祿大夫及上開府比上輕車都尉正議大夫及開府比輕車都尉通議大夫及上儀同三司比上騎都尉朝請大夫及儀同比騎都尉上大都督比驍騎尉大都督比飛騎尉帥都督比雲騎尉都督比武騎尉自是已後戰士授勲者動盈萬計每年納課亦

分番於兵部及本郡當上省司又分支諸曹身應役使
有類僮僕據令乃與公卿齊班論實在於胥吏之下蓋
以其猥多又出自兵卒所以然也

武德初以諸道軍務事繁分置行臺尚書省其陝東道
大行臺尚書省令一人正第二品掌管內軍人總判省
事僕射一人從第二品三品任置掌貳令事左丞一人
正第四品下右丞一人正疑誤第四品下掌分司糾正省

內都事一人從第七品上主事四人從第九品上原注諸司

主事並同並掌同京省兵部尚書一人正第四品原注諸尚書並同

兼掌吏部事司勳郎中一人正第五品上原注諸郎中並同主

事一人考功郎中一人主事一人兵部郎中一人主事
二人駕部郎中一人主事二人民部尚書一人兼掌禮
部事禮部郎中一人主事一人膳部郎中一人主事一
人度支郎中一人主事二人倉部郎中一人主事二人
工部尚書一人兼掌刑部事刑部郎中一人主事一人
都官郎中一人主事一人工部郎中一人主事一人屯
田郎中一人主事一人每郎中兼京省二司原注各有
令史書令
史及掌固
並流外食貨監一人正第八品下原注諸
監同掌膳羞財
物賓客鋪設音樂醫藥事丞二人正第九品下原注諸
監丞同
農圃監一人掌倉廩園圃柴炭芻藁運漕之事丞四人

武器監一人掌兵仗廐牧之事丞二人百工監一人掌

舟車及營造雜作之事丞四人

原注各有錄事及府史典事掌固等並流外

諸

道行臺尚書省

原注益州道襄州道東南道河東道河北道

令一人從第二品

掌同陝東道大行臺僕射一人正第三品

原注左右任置

丞一

人

原注左右任置左丞從四品上右丞從四品下

都事二人正第八品上主事

二人

品

兵部尚書一人從四品

原注諸尚書同

兼掌吏部禮部

事考功郎中一人從第五品上

原注諸郎中同

主事二人從第

九品下

原注諸主事同

膳部郎中一人主事二人兵部郎中二

人主事二人民部尚書一人兼掌刑部工部事倉部郎

中二人主事二人刑部郎中一人主事二人屯田郎中

一人主事二人

原注每郎中兼掌京省三司各有令史書令史掌固並流外

食貨監一

人從八品上

原注武器監同

兼掌農圃監事丞一人

疑二人品闕

武

器監一人兼掌百工監事丞二人

原注兩監各有錄事府史典事掌固等並流外

時秦王齊王府官之外又各置左右六護軍府及左右

親軍帳內府其左一右一護軍府護軍各一人正第四

品下掌率統軍已下侍衛陪從副護軍各二人從四品

下長史各一人從七品下錄事參軍各一人從八品

原注

有錄事及府史並流外

倉曹參軍事各一人兵曹參軍事各一人

鎧曹參軍事各一人並正九品下

原注各有府史並流外

統軍各

五人別將各十人分掌領親勳衛及外軍左二右二護

軍府左三右三護軍府各減統軍三人別將六人餘職員同左一右一府其左右親軍府統軍各一人正四品下掌率左右別將侍衛陪從長史一人正八品下錄事參軍事各一人正九品上

原注有錄事及府史並流外

兵曹參軍事

各一人鎧曹參軍事各一人並正九品下

原注各有府史並流外

左別將各一人右別將各一人並正五品下掌率親事以上侍衛陪從其帳內府職員品秩與統軍府同又有庫直及驅啞直

原注庫直隸親事府驅啞直隸帳內府

各於左右內選才

堪者量事置之武德四年太宗平洛陽之後又置天策上將府官員天策上將一人掌國之征討總判府事長

史司馬各一人從事中郎二人並掌通判府事軍諮祭
酒二人謀軍事贊相禮儀宴接賓客典籤四人掌宣傳
導引之事主簿二人掌省覆敕命錄事二人記室參軍
事二人掌書疏表啟宣行敕命功曹參軍事二人掌官
員假使儀式醫藥選舉考課祿恤鋪設等事倉曹參軍
事二人掌糧廩公廨田園厨膳過所等事兵曹參軍事
二人掌兵士簿帳差點等事騎曹參軍事二人掌馬驢
雜畜簿帳及牧養支料草粟等事鎧曹參軍事二人掌
戎仗之事士曹參軍事二人掌營造及罪罰之事

原注
六曹

並有令史
書令史

參軍事六人掌出使及雜檢校之事其陝東

道大行臺尚書令及天策上將太宗在藩爲之及升儲
並省之山東道行臺武德五年省餘道九年省

唐書卷第六十四